



Сыр бойы

Қызылорда облыстық қоғамдық-саяси газет • 1929 жылдың 1 шілдесінен шығады

№29
(20303)



СҮБЕЛІ СӨЗ

- Оқу – білім азығы, Білім – ырыс қазығы.
- Түлкі алмас қыран жоқ, Күсбегісі кезіксе. Жақсы болмас жігіт жоқ, Ақылшысы кездесе.
- Жамандықты көп қуған Бір бөлге жолығар. Жақсылықты көп қуған, Бақ-дәулетке молығар.

22 ақпан, сейсенбі 2022 жыл

e-mail: syrboyi@yandex.kz / www.syrboyi.kz

www.facebook.com/syrboyi.kz/

www.instagram.com/syrboyi_kz

https://twitter.com/syrboyi

t.me/syrboyi_kz

● ПРЕЗИДЕНТ

ОБЛЫС ӘКІМІН ҚАБЫЛДАДЫ



Кеше Мемлекет басшысы Қасым-Жомарт Тоқаев Қызылорда облысының әкімі Гүлшара Әбдікалькованы қабылдады.

Президентке Қызылорда облысында 2021 жылы атқарылған жұмыстар туралы есеп берілді. Гүлшара Әбдікалькованың айтуынша, облыстағы экономиканың негізгі көрсеткіштері

– өндірістік өнім көлемі 0,8 пайызға, өңдеу өнеркәсібі 14,5 пайызға, жеке инвестиция 11,7 пайызға, сауда 2,4 пайызға, пайдалануға берілген тұрғын үй 8,6 пайызға, ауыл шаруашылығы

өнімінің көлемі 0,3 пайызға артқан. Өңірде индустрияландыру бағдарламасының үшінші бесжылдығы аясында былтыр құны 45,2 миллиард тенге болатын 4

жоба жүзеге асырылып, 456 жұмыс орны ашылған. Кездесу барысында облыс экономикасына тікелей әсер ететін негізгі проблемалық мәселелер талқыланды. Атап айтқанда, Сырдария өзені деңгейінің күрт төмендеуі, тауарлық газдың көтерме бағасы, тасымалдау тарифінің шығындары мен жер-

гілікті газ үлесін арттыру және агроқұрылымдардағы жер лауы мәселелері туралы баяндалды. Президент Қызылорда облысында атқарылып жатқан жұмыстарды саралай келе, Үкіметпен бірлесіп түйткілді мәселелерді шешу және қолға алынған жобаларды одан әрі жалғастыру жөнінде тапсырма берілді.

● МЕЗГІЛ МӘСЕЛЕСІ

Жалақы өсті, сапа жақсара ма?

Жасыратыны жоқ елімізде дипломы бар, білімі жоқ мамандар пайда болды. Себебі кейбір түлектер оқу бағдарламасын тиісті деңгейде игермеген. Диплом негізінде жұмысқа орналасуға ниет білдіргендерді жана енгізілген тәртіп қуантпайтыны анық. Кейбір университеттерге де шешім ұнаған жоқ, өйткені, бұл олардың жұмысының деңгейі мен сапасын айқын көрсетті.

Гүлбану МАҚАЖАН, «Сыр бойы»

Жоғары оқу орындарының білім беру қызметінің сапасын жақсарту мақсатында, мектепте қызмет етуге тек мықтылар келуі үшін министрлік мықтап кіріскен сияқты. «Елімізде кадрлар даярлау сапасын жақсарту үшін қажетті шараларды қабылдайтын боламыз, әсіресе, педагогикалық бағытта. Енді негізгі тренд анықталып, педагог мамандығы мектеп түлектері үшін қызықты бола бастаған кезде бізге болашақ мұғалімдерді жоғары сапада даярлауды қамтамасыз ету өте маңызды», – деді Білім және ғылым министрі Асхат Аймағамбетов өзінің facebook желісіндегі парақшасында.

өту арқылы «Педагог» біліктілігін алуға міндетті.

Алғаш жұмысқа тұрарда тәстілеуден өту керек

«Бұл қалай жүзеге асырылады?» деген сауалға Білім және ғылым министрі Асхат Аймағамбетов:

Министрлік былдан бастап білім саласындағы жемқорлық фактілерін болдырмау, кәсіби біліктілігі жоғары мамандар пулын күшейту мақсатында құқықтық актілерге өзгерістер енгізді. Мұғалімдерді конкурсы арқылы жұмысқа қабылдаудың жана жүйесі қалыптастып жатқанын жазды. Бірінші жаңалық – педагогикалық бағытта білім беретін жоғары оқу орындарының түлектері үшін міндетті тәстілеу енгізілді. Енді дайындығы нашар үміткерлер мұғалім болып жұмысқа орналаса алмайды, яғни педагогикалық білім туралы дипломының болуы жұмысқа бірден орналасуға кепілдік бермейді. Балалармен жұмыс істей білу өте маңызды және жауапты міндет болғандықтан, алдымен тәуелсіз тәстілеуден өту керек. Қосымша тәстілеуден

Бізде сан емес, сапа маңызды. Тиісті деңгейде білімі жоқ түлектер балалармен жұмыс істемеуі керек. Болашақ педагогтерді алғаш рет тәстілеу көптеген жоғары оқу орны үшін үлкен сынақ болды. Бастапқыда белгіленген шекті деңгейді айтарлықтай төмендеткенімізге қарамастан түлектердің 46%-і ғана қажетті балл жинай алғанын айта кеткен жөн, – деді.

2-бет



● «БАЛАЛАР ЖЫЛЫ»

Қармақшыда болған едік. Аудан орталығы – Жосалы кентінде көрген жылы көрініс жадымызда жатталыпты. Осындағы жастар мектеп жасындағы балаларды қуантып жүр. Быыл Мемлекет басшысы жариялағандай «Балалар жылы» екенін ұмытпадық. Сапар барысында куә болған шараның аты да осыған байланысты. «Қуантсаң, баланы қуант». Ақцияның аты айтқандай, мұнда ұйымдастырушылар да, балалар да бек қуанышты.

Ержан ҚОЖАСОВ, «Сыр бойы»

Демеу болған «Демеу»



Аудандағы «Демеу» еріктілер тобы, «Зекет» қоры және аудандық жастар ресурстық орталығының қыз-жігіттері бірлесіп, осы ақцияны қолға алдық, – дейді «Демеу» еріктілер тобының жетекшісі Әсем Меркеова. – Басты мақсатымыз – «Балалар жылында» балаларға қуаныш сыйлау. Өзіңіз көргендей, кенттегі №121 және №27 орта мектебінде оқитын 30 балаға киім, ыстық пицца, тәтті шыршын таратылды. Өкінішке қарай, бұлар асыраушысынан айырылған. Ата-ана орнын толтыра алмасак та, сәл болса да осы қоғамнан жылулық сезінсе деп едік... Осылай ағынан жарылған Әсем маз болған балаларға риза кейіпін қарайды. Айтпақшы, кішкентайларға бар жақсылығын аямай, демеушілік жасаған аудан кәсіпкері Нағима Токсанбаева екен.

Еріктілер оған ризашылығын қайта-қайта айтуда. – «Демеу» деп қалдыңыз алғанда, – дедік біз Әсемді сөзге тартып. – Иә, «Демеу» еріктілер тобы ғой. Біз бұны 2020 жылы жастар ресурстық орталығы жанынан құрдық. Ол кезде небәрі 6 волонтер едік, қазір 50-ге жетіппіз. Еріктілер жасағын құруға Президент Қасым-Жомарт Тоқаевтың сол жылды «Волонтер жылы» деп жариялауы себеп болды. Пандемия басталып, қарбалас болған шақтағы еріктілердің еңбегі ерен. Мысалы, мен өзім медиккемін. Сол уақытта үй-үйді аралап, тегін дәрі ектім. Сондай-ақ арнайы қор ашып, халық пен кәсіпкерлердің қолдауымен 4 млн тенге жиналды. Бұған 7 оксигенатор аппараты, оттегі баллондары, бетперде, қолғап алынды.

4-бет

● МӘМІЛЕ

Келіссөзден не күтеміз?

Экология вице-министрі Серік Қожаниязов Душанбеде жұмыс сапары барысында Тәжікстан Республикасы Энергетика және су ресурстары министрінің орынбасары Шоимзода Джамшед Шодимен кездесу өткізді.

Тараптар Сырдария өзенінде қалыптасқан су шаруашылығы жағдайын талқылады, «Бахри Точик» су қоймасының 2021-2022 жылдардағы вегета-

цияаралық және 2022 жылғы вегетациялық кезеңдегі жұмыс режимін келісу бойынша келіссөздер жүргізді. Қазақстан тарапы 2022 жыл-

дың вегетациялық кезеңінде былтырғыдай «Бахри Точик» су қоймасынан қосымша су жіберіледі деген уағдаластыққа қол жеткізді. Бұл Түркістан және Қызылорда облыстарының фермерлерін су аз болған жағдайда суармалы сумен қамтамасыз етуді жақсартуға мүмкіндік береді.

«СБ» ақпарат

Шабактар неге қырылды?

Қуаныштық быыл да қайталануы мүмкін. Өйткені, қазірдің өзінде су жетіспеушілігі анық сезілуде. Әсіресе, теңізге құяр сағадардың көп қалуы жөнінде Арап ауданына қарасты Бөген ауылына жақын орналасқан «Сағынбай» каналында майда балықтардың қырылу фактісі тіркелген. Сырдариядан су алатын каналдың Қарашалаң ауылы маңындағы көлге су құюыны белгілі болды.



«Сағынбай» каналының ұзындығы 1 шақырымнан асады. Тереңдігі 2 жарым метр. Мамандардың арнайы зерделеу жұмыстары арқасында бізге белгілісі, мұнда оттегі қоры аз. Ғылыми ұйым маманының

алдын ала айтқан тұжырымына сүйенсек, оттегінің аздығынан балықтардың тіршілігі тоқтаған. Өрі каналға көптен су түспей, арнасы бөлінгені. Нәтижесінде 975 келден астам

балық қырылған. Ұзындығы 4,5-10 сантиметр аралығындағы торға, табан, ақбалық шабактарының жайы осылай.

Е.БЕКМЫРЗАҰЛЫ

3-бет

● ҰЛТТЫҚ СПОРТ

СЫРДАҒЫ САЯТШЫЛЫҚ САЙЫСЫ

Қазақ халқында аңшылық, саятшылық дейтін өнер бар. Ілкі заманнан келе жатқан ұлттық құндылық бүгінде әр жерде жанданып келеді. Әрине, екінің біріне дари бермейтін тазы ерту, құс бауды сияқты өнерді ұстаған азаматтар құрметке қашанда лайық. Жүгіртер іті мен ұшырар қыран құсының мінез-құлқы мен қасиетін жетік білетін нағыз саятшылар, күсбегілер ортамызда жетерлік. Өткен аптада бұрынғы бабалардан қалған қасиетті құндылықты дәріптеушілер Сыр бойына да келді.

Ержан ҚОЖАСОВ, «Сыр бойы»

Өткен апта соңында, яғни, 16-20 ақпан күндері Жаңақорған ауданында ұлттық спорт түрі – саятшылықтан республикалық чемпионат өтті. Қыран құстың тұр-түрін баулыған күсбегілер сайысы жоғары деңгейде өтті десек, қателеспеспіз. Ересектер арасындағы

XV чемпионатқа еліміздің 2 қаласы мен 10 облысынан 70 құс және 90 саятшы қатысты. Аңға салар құстардың қатарынан ителгі, бүркіт, қаршыға тұқымдарын байқадық. Оған дейін өңірлік коммуникациялар қызметінде брифинг берген облыстық



дене шынықтыру және спорт басқармасының басшысы Асылжан Жаманқұлов ұлттық спорттың осы түрінен сайыс Қызылорда облысында алғаш ұйымдастырылып отырғанын айтқан еді.

4-бет

